

棕

亭

詩

鈔

棕亭詩鈔卷之四

全椒 金兆燕 鍾越

曹守堂畫松歌

我昔振衣天都峯左顧臥龍右擾龍
仙人手持綠玉林引我乘蹻遊鴻濛
歸來凡骨盡解脫謾謾兩腋餘清風
曹君性癖耽練素結廬黃海雲中住
高提勁管一尺長腕下不肯生凡樹
興酣潑墨墨欲飛怪鱗皴皴蒼髯豎
錦題一軸裝潢新遣我爲我驅炎塵
蕭齋展放未終幅寒風冷色來趨人
昔聞古老言評泊何紛紛趙昌寫花
形徐熙傳花神千秋優劣難具論
何似無花老榦入雲

上形古神淡全其真玉鴟義金絡索高懸畫棟牽珠箔
著壁疑生千歲苓窺簷欲下九天鶴碎粒枯釵不計年
陰陰冷翠空中落一枕秋堂孤夢回忽憶驚濤萬仞軒

轅亭

吉傅堃夜過

新月出庭樹幽輝照我牀晏坐疎竹下晚風生微涼籬
根一犬吠林際衆鳥翔有客叩我門衝烟轉蘭塘數語
何匆匆燈火度前岡把袂一相送清露沾衣裳歸來不
能寐中夜自徬徨

同程老松周仲偉古城巖觀魚分韻得道字

古城之巖竦奇峭深潭百尺翠影倒中有巨魚盈百
揚馨鼓鬣爭擺掉紛紛大小聚婢媵沈沈幽窟作堂與
呼儕羣偶不避人雲根沙觜任擲跳霧裏時聞撥刺聲
月中惟見晶光耀鱗爪之而恣怒張居民不敢輕罾
有時粗粒撒波中騰空爭食如飛鶴君不見壺公之杖
陶公梭風雲倏忽呈奇貌秃尾槎頭聚族居嗚呼此魚
何足道我來_一長嘯何處江湖堪遠釣韓公未免
蘇公笑

雙有亭祭酒以詩招同遊黃山次韻奉酬

山城多秋風爽氣出林藪幾載探幽奇勝境庶不負我

我天都峯雲外靈蹤剖淡碧摩高穹晴嵐滌宿垢衆山
自羅列一一覺粗醜佳遊憶昔曾仙骨終難有輜軒使
者來烟霞供領受浮邱與洪崖盡作素心友忘分乃作
達憶余獨已久冷露下高梧落日照疎柳相訂踐宿約
高嶺一攜手機鞋赤藤杖欣言獲所偶先期戒山僧早
設淵明酒

送雙有亭祭酒遊黃山疊前韻

時余以他事牽
阻不果同遊

禽尚作言鱗松喬助談藪夙性癖烟霞此志肯虛負况
逢秋氣佳山谷豁新剖選勝聞有期振衣如磔垢騰木
鞠侯愁披蘿石丈醜一一預馳思遊神無何有堪歎俗

骨屯山靈屏不受忽逢塵事牽空賦印須友送君入雲
去空岩佗傑久尻化難爲輪肘掣如生柳勇登請掉臂
回顧勿招手拍肩更把杖前路定有偶使星人不識且
飲缸面酒

古詩爲新安烈婦汪氏作

醴泉必有源芝草必有根荆山剖良璞異光燭乾坤我
友汪洽聞賦性樸且惇養母能篤孝孝名著一村一男
三女子食貧朝復昏訓之以古誠教之以敦倫長女失
所天矢死不再嫁幼女初適人婉順播嫗姪次女生最
慧早歲能詩書手緝列女傳溫惠與人殊笄年歸夫家

蒸竊甘糲粗舉止必端正鄰女奉楷模事夫未數載夫
病遂纏綿女心日如焚蓬髮局且卷南市謁醫藥北市
卜筮尊歸來坐床頭一燈昏不然中夜四壁靜斗杓明
高縣女子踞中庭涕泗獨漣漣願天滅兒算必賜兒夫
痊執手問良人有語囑妾無良人瞪目視拊枕但長吁
生死從此隔勿復多悲歎女子垂涕言自我事君子偕
老本初願寧復殊生死君今但先行妾豈久留此晨雞
方三號白日慘無光陰風入庭戶颼颼吹衣裳鬼伯何
催促不得少傍徨女子淚洗面車輪腸九迴三日爲營
奠七日爲營齋北邙宅幽宮千年不復開子丁回里會

檢點舊裙襦絕粒臥空牀酸風冷微軀阿爺向女言汝
志既堅決所悲頽齡叟頓使肝腸裂阿姊向妹言爾我
命何屯昔爲三株樹今爲霜草根幸無太自苦少慰泉
下人阿兄前致辭一言試告汝守節與殉節理一本自
古女子啟阿爺兒已有成言此言不可食勿復強遷延
瞑目遂長逝奄奄赴黃泉聞者爲歎息見者爲悲酸灼
灼桃李花繁霜萎春日苦竹抱貞心根斷節不易我聞
新安郡自古產大賢理學炳千載警宗隆几筵陵夷至
靡極道學空言筌升堂爲都講躬行或不然安得此女
子慷慨殉所天乃知本庭訓身教已有年今人自教兒

但知圭組妍蕭娘與呂姥往往遂比肩試與言此女安
得不汗顏

歙浦魚梁

溪聲過石喧雲容出岫靜白鷺立移時看足青山影

贈鄭松蓮處士兼寄鄭紺珠一百韻

旅館空山裏歎蒸溽暑滋疎桐垂曉露修竹蔽朝曦曠
野方追魃閒扉獨守蟻趨庭慚倭僮倚檻愛嵯嶮徑爲
羊求闢舟因李郭維姓名耀綾刺眉宇映緇帷白鹿仙
車下青猿野僕隨嵐光在襟袂苔色上絢綦信匪綠徐
福誰能迓沈羲時汪薌泉皆至不須嘲襍纈且共對罌罍洗滌

呼甌宰蒸熬召餅師瓜犀紅歷歷蓮葯碧離離瓦甌調
香醬冰盤薦蜜鯪藤花新釀注槐葉冷淘籠寒饌富軒
設濃陰傍戶移七輪輕扇動六幅小屏敲苜蓿鋪平礎
蕉衫挂曲櫬短棚紫豆蔓長柄執松枝且喜暑偏冷何
妨門號謬清風生列牖爽氣入連簷矯矯九天翼汪汪
千頃陂高談紛囁麝密樹好聽鵬秋土原多怨冬郎未
易追漫叨青睞顧便欲縹囊披延露難爲聽臯琴只自
嗤循牆惟偃僂攬鏡愧此催鼠璞勞磨錯蟬匱借輓推
揮斤逢郢匠發藥遇秦醫袂垢癩消玉開蒙目刮篔簹
筵欣割炙窺甌已成糜促膝情彌洽飛觴酒屢釀新歡

深繾繼舊事重思惟憶昔騎羊歲初當跨鶴時甫能寫
驢券未解撰雞碑得從嚴君後聊爲孺子嬉單衣侵露
濕匹馬向風嘶偶繫邗江艇因過后土祠無雙瓊葉燦
何處玉簫吹俊逸參軍賦輕盈帝子詩等身書自課入
眼景無涯芍圃雲千朵黃灣月一規拋壻循蜀嶺弄戟
上隋堤白老名多忝黃童譽未馳敢言錚若鐵空笑鈍
如槌志欲乘風舸辭難製月儀應題門作鳳孰認石爲
麒忽遇吳趨客言分谷口支雞壇羣雅集牛耳大盟持
周燮岡初陟王充論歛窺沈簾觀巧織劉眊拾殘齋東
縛從羈絡裁成就鉅摠抄書懷餅餌問字載醇醅竹徑

貓頭荀蘭塘麂眼籬裘鍾清映水側理潤凝脂祕牒探
津逮狂歌倒接羅靈葩攀四照瑞露咽三危更誦紫雲
句旋驚黃絹辭笙簫鳴彩鳳珠玉剖文魴壁壘渠嶮固
光芒蜜炬煖彌彪敷典誥闔鞞震馘色駭心皆動神
驚目盡眇直將摩屈宋詎止駕陳隋旣嘆文河壯還快
筆陣奇丰姿疑杜度氣韻想張芝天上五雲曉山中雙
鬢垂機長摛篋緝製古對尊彝竊幸斑窺管何當纈買
絲推哀洵匪妄訪戴肯教遲况值車填陌奚難履進圮
適情瞻碧漢遠操望丹崖彥戶方投謁張帆已莫糜空
勞尋霧市誰爲挽雲旗相失真交臂長懷獨拄頤緣慳

逢石髓恨重斂山眉駒隙光陰駛萍蹤聚散悲一鞭歸
里閉萬感積心脾善化輪猿鶴能仙羨鹿麋美人嗟日
暮季女嘆朝飢寶氣光生劔銛銛穎脫錐鴛筋安燿姪
奴鬣尚髻髻筆末荒畚墾書田儉歲畷抗顏蒙詬病影
質畏瑕疵鬼笑劉龍拙人言侯霸癡敝禪寒衲衲局室
閉葳蕤屏匿牆東迹蕭條竈北炊循陔晨負米梓茹晚
烹葵歲月愁中疾精華夢裏萎心同孫入袋身等鳥黏
繭吳市潛梅福余返里後紺珠亦歸吳門揚州老牧之謂廣陵諸友書題
頻悵望雲樹繫相思桐叩聲鳴石槎乘路挽紋駢車隨
旅宦躡屩負輕齋箬嶺青橫嶽漸江碧繞碕應懸留客

榻擬過學書池帶東草堪結袖攜經可攜何圖乘薄策
先爲耀茅茨烟駕神雖逸雲將志未隳山廬終隱豹夢
自叶非彫二惠知同爽三徵定有期寸膚黃海吞霖雨
看瀾瀾

寄題戴稚圭霞山書屋四首

結廬幽境裏庭戶絕氛埃山果傍簷落野花緣砌開溪
光將碧去嵐影送青來永日虛堂靜牆陰長綠苔

檀欒修竹影屋角弄幽姿琴韻穿花細書聲出戶遲
髮牀清瑩水苔紙潤凝脂小閣疎櫺暗方輝晚漸移

繞枝棲樹鳥隔巷吠花
龍月浸蘆簾半雲封竹戶雙松

水滸言金一
聲喧到枕梅影靜當窗企脚匡牀畔春醪滷小缸
矯首新安月清輝恰正圓懷人孤館夜選夢落花天鵬
吹聲聲好雞碑字字妍他時如訪戴風雪莫回船

夏夜次謝金圃舍人韻

金圃舍人今厨顧盪胸滌臆靡俗務僦居先謀築客館
下朝不屑泊家具我來京華值歎熱兩輪撲鹿塵滿路
赫曦灼膚不可耐未能卽次先窘步屋烏感君推至愛
片言執手見真素槐階濃綠足清曠紙窗虛白總幽嫻
酣叫肯容狂客狂甘寢儼署寓公寓下榻已無燥濕慮
寄巢且喜風雨除逢人便道此間樂歸夢邇迴未忍去

人生踪跡真萍蓬，知己相看且小狂。
墨突休嗟黥未能，顏室何妨空至屢。
但令讀書無市喧，敢言挾策思巷遇。
五字英才君夙擅，積疑相質定我語。
微風忽度隣寺鐘，清露欲濕

御街樹，納涼深夜坐不辭。
聯吟請續韓孟句。

七夕擬樓上女兒曲

金風浙浙銀屏冷，樓上女兒夜未寢。
瓜果中庭濕露筵，北風裙帶還羞整。
機杼年年奏七襄，分明別淚不成行。
聘錢柱向他人背，梳裹難爲時世粧。
人間郭翰休相憶，嫁與牛郎足靈匹。
癡絕雙鬟梁玉清，小仙洞裏終難匿。

秋竹二首

當暑既不受宜秋倍可親此君真似我孤立不因人乾
粉已全褪濕雲還自新瀟灑無阻意知爾爲蕭晨
雨後庭竹秋來自有聲露寒知葉下月朗見窗晴漸
覺蟲鳴急還宜鳥夢清涼颺來枕畔獨客若爲情

贈周東阜二首

把酒登高節相看一奮髯空吹反潮笛難覓却寒簾心
跡君堪共窮愁我獨兼冰壺原自潔況對水晶鹽
累函疲記室散帶作參軍對影明如月逢人癡若雲營
巢鳩本拙移穴蟻空勤何日歸書圃三餘自誦芬

壬申冬日初歸感賦四首

倦翮爰居且避風，休從海上問方蓬。
三年鼓瑟難諧俗，萬里持瓶只餉空。
遠道客歸霜信後，故園秋老雨聲中。
枯荷一片寒塘晚，枉向天涯憶碧筒。

霜林楓榭襯朝霞，歸櫂初停軋鴉。
且喜藍田頻種玉，

新得次

見玉聽何須紫陌更看花。
天梯月滿神仙窟，石徑雲封

處士家。漁弟樵兄無恙在，衝烟好與話溪沙。

崎嶇仙路接瑤京，十二闌干盼碧城。
世上鸞籠空刺促，天邊鸞鏡自分明。
卮慚珠玉終無當，局近彈棋總不平。
鳧渚稻梁謀易足，燕鴻何事苦長征。

枇杷一樹晚花稠，簾捲香風色。收勝會，瓊爐人復集。
高齋竹石景，偏幽修容雜。人無雙譜作，達聊爲第一流。
臥聽精林聲，滴瀝茅柴新釀玉。粗浮。

晚菘分賦得鮮字

老圃秋深後，青葱倍可憐。根因逢雨潤，味以得霜鮮。倒
囊貧家菜，傾筐小市錢。伊蒲堪淨饌，休更慕腥羶。

登徽州郡城外太白樓

相傳太白訪
許宣平處

新安城外有高樓，樓下長虹鎖碧流。北斗遙臨仙觀迥，
西風橫拂暮山秋。宣平道氣堪千古，太白雄才蓋九州。
遺蹟祇今空悵望，雲林烟嶺不勝愁。

山行

薄雲弄新霽，爐煙出林莽。
入山知早春，向日覺微煦。
野梅臨水濱，幽花向人吐。
沙溪水已消，遊魚紛可數。
夕陽爭渡喧，前村鳴社鼓。

次韻却寄沈靜人二首

相逢莫訝便遄歸，身似征鴻已倦飛。
世上浮名皆幻影，人間真樂是庭闈。
空將白玉思雕格，悔遣青塵誤染衣。
從此深山堪息踵，行藏休與素心違。

清歌一曲奈愁何，贏得天涯感慨多。
對月有時空作僚，掃雲無術合蹉跎。
遊仙小枕終成夢，變數繁絃未易和。

自玩瑤函消水盡虛堂暝色上簾波

放歌示方東萊

君不見明月珠珠戶尋之徧海隅美人小璣亦羅首寶
光空自矚金鋪又不見豫章木木客求之入深谷大匠
曲木亦運斤良材何日成華屋高歌向君君勿悲丈夫
遇合會有期焦明振翮三千仞肯與斥鷃爭樊籬瀟引
杯中酒起看庭外花春風有意待披拂眼前霜雪休咨
嗟

汪真簡園亭看梅卽席分賦

繞屋植名花花光圓修弄曲廊轉逶迤暗香自迎送半

舫停暖雲一池消宿凍酒屢傾三雅遊敢希二仲客散
星斗稀小樓貯花夢

看梅次日家君以長句索諸同人和章並命兆燕
次韻

主人有酒不待索開樽邀我坐華薄香魂已逐暖風回
瘦影尚苦寒烟約入夢何來美人糝破蘚不嫌居土屨
曲徑雲根依筊筓小沼波痕上略約花光暝色太模糊
更從花頂登高閣殘雪白餘砌半珪斜日紅添牆一角
置身花上與花親衣散五銖香百濯衛娘眉細斂秋娥
葛嶺魂歸倚宵幕綠幹蒼苔蝕更生爭枝翠羽啁復躍

饒眼揆抄恣飽看何異屠門快大嚼兩行畫燭照花叢
倚花一笑相酬酢酣呌宜防籬外知醉眠不畏甕邊捉
古人作達愛狂飲死生惟共舒州杓今我看花不醉歸
花間山鳥亦嗚噓妙香入夜沁詩脾細嗅應堪證禪覺
早春獨步真絕倫天桃穠李休薰灼

借汪宸簡家藏水經注古本讀畢奉還賦此却謝
君家度閣富經史墨莊書窟連雲起門對元夷宛委山
堂開仲郢昇平里初過城西獬廌園含烟高閣柳絲繁
半池春水魚紋皺幾樹濃陰鳥語喧子雲亭畔牙籤蠹
鄴侯架上堆千軸目眇海市駭飛濤頤朶屠門思嚼肉

一編未蝕羽陵壺前列彙經後廊注搜奇似瀉宋雲裘
攬勝如隨章亥步聊爲殷勤致一瓶敢便會饕窮四庫
攜來異寶出荆山拂几扁門細意看小閣燈昏宵折聖
疎櫳日上曉忘餐道元千古注書手俊逸宏深靡不有
紙上砵崖怒浪飛行間激岸驚湍走勝境名區三致意
繪水鎬山饒遠致蜀道山川恣嶮巖吳天風景多娟麗
展卷堪爲宗炳遊一錐指遍神州地旅亭湫隘苦歛蒸
煩悶羈懷不可勝紗幬夢回愁白鳥葛帷坐久憎青蠅
獨對異書千慮靜何須赤脚踏層冰吾家舊傍淮南樹
幾卷殘書堪枕藉玉璽金題祕古歡別風淮雨耽讐誤

刈殘牧豎澤中蒲乞徧名僧腰裡瓠去年從宦入殊鄉
山驛崎嶇塞衛僵雪壓旃裘攜襪被塵封繡暉弄巾箱
鄉心每憶新縑帙歸思常繁古錦囊符笑論癡慚嘗濁
碑疑沒字總冥茫閱肆恨無洛陽市僦居愛住春明坊
珍重整書入君篋珠還合浦葆奇光倘許盡窺倪氏架
不辭更餉束修羊

隨家大人同程雪崖查采舒汪研深吳松原父子
遊落石臺聯句晚與程吳二君登舟諸同人乘
月至下汶溪爲別大人用香山琵琶行韻作長
歌命兆燕和之

年來慣作天涯客，干時到處悲辛。春風又買江頭船。
有似翎筍，已在弭江路。小孤兼大別，計程往返應淹月。
檢點殘書囊，敝裘更招我友。需同發我友，不來留者誰。
行期屢易，何遲遲相思，幾日歡相見，相邀且作嬉春宴。
看花未免各銷魂，賭酒何須會識面。溪頭喚渡聽灘聲，
隔水山光已有情。澗花巖草多幽思，紛披似識遊人意。
雲泉已覺滌塵襟，襟筆墨更教饒韻事。詩墨爭爲奇戰挑，
勁弓長戟各橫腰。揮毫颯迅如風雨，那得謹叟更他語。
急響箏琶錯雜彈，妙舞羅瑜轉七盤。駿馬連鑣奔峻坂，
輕舟銜尾下空灘。險韻壓成歎，奇絕轉遞蟬。聯未肯歇。

有時含毫幻想生空山寂寞不聞聲注目白雲隨意散
側耳黃鸝時一鳴詩成更把琅玕畫翠影沉波如熨帛
昏黓昔龕雨後青練橫石堰波心白紅紫芳菲滿眼中
春光畢竟爲誰容喚天踢地東家女長向荼蘼花下住
牽絲空欲縮雙丸煉石豈能填九部萱草難忘獨處憂
倉庚不療同宮妒空谷芳蘭香獨抱成蹊桃李花無數
鼎鑪誰容過客嘗車茵未許他人汗回首長安天際遙
秋風明月成虛度山頭認白孰爲真水上洗紅能不故
竿木聊隨遊戲身柘枝休鬪娉婷婦從此江湖任浪遊
茫茫雲水隨來去聞道宮亭湖上船船頭五老曉峯寒

振舵直趨潞浦口
楚天芳草滿江干
獨嗟征擢無時息
躑躅蘭陔重唧唧
聚首庭闈纔幾時
迴腸自轉無人識
今日佳遊莫與京
酒兵應已破愁城
欲去更看春水影
瀕行猶戀晚鐘聲
穿雲共覓來時路
半珪蟾魄東林生
回看斷石村邊樹
燈火叢祠社鼓鳴
開筵更翦西窗燭
樽酒未空須盡傾
驅駒折柳都陳調
一曲新歌君試聽
歌罷城隅悵分手
波光樹影向人明
千峯黯黹籠愁住
兩槩啞啞載夢行
行行起傍孤蓬立
月落前溪風轉急
子規深樹盡情啼
似伴離人中夜泣
輕舟暝戛石臺過
古磴無人花霧濕

夜下昌江石門

立莫笑背似駝臥莫嫌足如鷺小舟雖狹且安居猶勝
荒岡踏草屨波心疊碎月側岸穿曲流遙灘沙上弄短
檣隨意與之爲夷猶忽見兩片石屹立當我舟我舟屈
折入其罅勁悍環捷如狂猴怒水激其後飛沫跳浮漚
忽然脫隘乍得勢急矢一發不可留艙中三四人促膝
各抱頭仰看月荒荒俯視波幽幽瞪目更相顧眊昏潤
兩眸篙師箕踞發微笑郎君穩坐何多愁堆有豔瀕峽
有黃牛千帆百舵來往無休但見輾塵大道丹朱駁日
目馬奔車覆摧行駟

景德鎮

中夜不能寐，厲響聞機舂。豈惟頑石碎，我心爲撞擠。

沿岸

水碓春石爲
瓷聲震人心

艤舟見朝霞，爛若金芙蓉。黑烟忽蔽之，密

障何重重。陶器古所尚，旅人有專攻。甌坯既有戒，苦窳不何供。奈何後之人，淫巧遂接蹤。汝青復定白，搏埴無春冬。丙窳侈邵局，祕色珍柴宗。刑政苟不修，一器安所庸。試看老瓦盆，亦可餉村農。

泊舟方家塢口，與程雪崖吳松原信步尋幽歸而

有作

山氣日夕佳，溟雲展輕霽。息榜依巖阿，攀芳循水裔。野

禽囀清音古木布深
翳繞膝波潺湲綠澗
英瑣細崇岡
日易沉孤村門早閉
欲窮曲徑幽悵此顏
景斯攜手尋
歸途暝烟上衣袂

同雪崖松原圍坐船頭飲酒看月

明月出高嶺孤影澄
碧虛清光能遍照客
心一以舒肥
跼勸深杯趁茲晚泊
初草色隱頽岸烟光
浮暝墟羣動
各已息吾儕欣相於
一醉企脚眠碎影紛
簾篠

晚泊饒州

積水連天又一鄉
春愁客思兩茫茫
孤城劍去星輝在
古寺碑殘草色荒
津樹一行迷岸影
漁舟幾點破湖光

芝山何處堪攜酒五老空亭對夕陽

夜渡彭蠡

衆水春方匯孤舟夜未停
澄波生積白暝岸失遙青
火認康郎戍雲迷孺子亭
伴人有陽鳥清夢繞沙汀

滕王閣

千年高閣此孤鸞不共閭閻雜
市喧星切斗牛光欲落
波凌章貢勢堪吞西山落照昏
當牖南浦歸潮夜到門
安得經年江渚宿落霞秋水訪吟魂

旌陽真人鐵柱歌

洪濤翻天聲如牛老蛟獨抱愁潭愁
仙人夜鍊癡龍骨

木
二
卷
二
銅奴錫婢紅烟燂可憐不作繞指柔土花鏽暈埋千秋
坤輿三千六百軸巨鼇不動春波綠莫學開陽夜半飛
西山月落星斗稀

孺子宅

夕陽明頽垣影落東湖水感此蓬蒿宅千載留荒址古
人礪高節富貴同泥滓終身食其力疏糲亦甘旨飢驅
乃叩門撫心愧高士

贈許沛田

章江濤嵯峨兩山兩滂沛生平愛奇觀斯遊實爲最所
恨仙蹤渺懷古歎無奈安得登簾峯長往謝塵壒不聞

八琅璈乃噉三斗薤溷跡蟪蛄窟自覺頭顱怪憤對車
騶飲狂向石丈拜橫睨眼中人吾意何曾介出羣乃有
君偶語便稱快讀書身可等論世心靡礙籍定注緋羅
名應勒精夜鯨釣厄英韓屠販困膠太碧翁久夢夢君
其勿多嘅努力自束修屈小必伸大握別一贈言春帆
破空靄

吳汝蕃招同吳蘭稽飲卽同過二聖院入豫章書
院訪汪輦雲不值晚步灌嬰城歸

醉餘同散步一徑入林斜古寺藏奇樹頽垣出野花雞
窻虛座冷雉堞晚雲遮更訂重來約空洲記淺沙

贈羅菊坪

偶然一擢臈宮亭，顧我惟君眼獨青。
名社文章傳海嶠，小樓烟雨枕江汀。
看花載酒春山暖，買鮓行歌曉雨腥。
更上匡廬峰頂望，人間應有伍喬星。

次韻贈汪彥升二首

活火紅爐煖玉杯，衝寒重訪讀書臺。
雲痕向日難偕伴，梅意知春肯後開。
顧我只堪儕鹿豕，如君真不久蒿萊。
漢家宣室求賢急，况是明經拔萃才。

直北關河指

帝京茸鞞鶴轡總，仙程負薪肯效朱翁子。
題柱羣看馬

長卿文簞談經應折鹿錦囊裁賦更吟鯨干
秋獵碣遺
文在爲我摩挲一寄情

得仁趾叔書

灑淚一爲別雲山俱渺茫相思五六載纔見兩三行涉
世天懷減離羣舊學荒瑤華何以報矯首自徬徨

棕亭詩鈔卷之五

全椒 金兆燕 鍾越

讀汪輦雲魚亭稿卽次其首冊述懷詩韻贈之三

首

人生如飄蓬隨風爲合離關山萬餘里遊子將安之赤
日遙嶺陞洪波天際來一榭宮亭湖獨立空徘徊浦雲
暗畫棟江月冷荒臺懷古信易感入世真難諧俯仰天
地間所遇何其乖江山留宿因客子休悲辛欲爲嘯惜
歌且訪嶽崎人

巨翮翔焦明異光挾長離生當文明世顧影揚朝暉歸

棕亭詩鈔

卷五

贈雲軒

昌鳴未和引吭忽自悲奈何處榆枋日隨鳩燕飛古人
重桑蓬行役周四方不惜關山遠所悲鬢髮蒼石室貯
青髓玉曰凝元霜若士逢盧敖相攜眉城旁

我生歎寡特鳴原羨脊令灌夫以爲弟袁絲以爲兄每
求海內士屢爲千里行豈敢竊聲譽將以託性情誰謂
文字交不足要平生春風孤館寒落月沉西山相顧每
相失作合何其難竟夜讀君詩明當覩君顏

贈吳叟星濤

叟年八十自言善導引術嘗夢李白授以青蓮
花盜遂號蓮盜老人蓄盜甚富座客稱戶之太

小取以供飲焉

春老名園綠漸濃
江山隨意作清供
桃花苦向愁中落
蓮盞偏能夢裡逢
此日壺觴聊笑傲
何時鼎鑊許追從
莫辭共作天涯醉
我亦人間號酒龍

醉盞圖歌

蓮盞老人既邀余作醉盞會復繪醉盞圖爲贈
歌以酬之

阿難持應器循乞舍衛城
丈夫不自食乃爲沿門行
不如枯坐飲米汁
曹騰入定觀無生
采石騎鯨去已久
舒州力士鐙杓朽
夜半傳與非無意
南能北秀休狂走
君

爲醉盃會更作醉盃圖盃中清淨蓮花宅醉鄉日月無
朝晡聖千鐘賢百榼大家團圍頭各拓一盃恣飲嚙醉
中喚起謫仙人攬覆錦袍眠一榻宣城紀叟今絕縱荀
媪空山冷五松休問李白復李赤且向池邊醉碧筒

鄭漢草招集章江酒樓

楊花落盡春事休孤館客子空坐愁方寸五嶽不可按
拍手且上酒家樓人生有似章貢水偶然合併相沉浮
洪崖匡俗贖遺蛻太真孺子留荒邱古來賢達竟何在
西山山色春復秋滿引頗黎盞痛擊珊瑚甌休聽暮鼓
喧城頭明朝分手挂帆去空對亂雲飛處琵琶洲

寄呈家大人

遊子他鄉總斷魂，聊憑歸夢待晨昏。
雨餘竹迳應招客，聲過錫簫好弄孫。
未解春寒休拆絮，偶貪午睡莫當門。
閒庭獨立消清晝，綠染新蕉又幾痕。

洪州小樂府四首

郎住逍遙山，妾住娉婷市。
落霞與孤鶩，夜夜章江水。
莫羨估客樂，西江風浪多。
拍手青山外，共歌藍采和。
采葛入西山，種葛傍東湖。
欲飲丁坊酒，郎從何處沽。
與歡爲春遊，莫待桃花落。
朝登列岫亭，暮上秋屏閣。

雨棠園訪隱樵上人不值

小巷團蕉屋春風自掩關花開空一院錫響到何山衣
裊雲應滿經牀蘚已斑莫貪桑下宿結夏好過還

東林寺

白蓮池中水泱泱新荷翠葉大如掌暖風吹烟出氣晴
荒村伐竹深澗響老僧據地補壞衣客子入門息塵鞅
陰陰破壁苔蘚生寂寂虛堂窗戶敞臨風空吟陶令詩
拂塵獨拜遠公像枝策徘徊過虎溪塔影鐘聲空惘惘

琵琶亭次唐蝸寄權使韻二首

遙嵐雨後數痕加九派寒濤走浪花小閣停雲誰顧曲
空灘貫月自浮槎棲烟野鳥難成夢逐水間鷗不着家

江氣蒸衣渾欲濕非關今夜聽琵琶

偶停孤櫂倚江樓隔岸家山入望幽豈有文章誇倚馬
但留蹤跡欲盟鷗三春客裏芳菲節千里天涯汗漫遊
楓葉荻花何處是黃雲一片麥先秋

長歌呈唐權使

江風吹雨天冥冥攬衣獨上琵琶亭遙峯冷翠濕淺黛
依稀司馬秋衫青潯陽九派寒流駛荻花楓葉空遺址
丹雘俄看傑閣新旌麾兩度照江水我來亭上自徘徊
千古誰如公愛才麗句續紛香粉堵名流屢屐水松脾
僕也飄零感遲暮烟波浩蕩隨鷗鷺二棹寒迷嘒口津

三春飢走鄖陽路，湓浦輕舟入楚天。
衡陽幾點盼湘烟，黃陵祠下昭華瑄。
青草湖邊鹿角田，江花江草無終極。
征帆一片紛如織，誰抱檀槽金屑文。
風前哀響穿雲急，君不見李半笛。
又不見子昂琴，側身天地抱奇器。
乾坤莽莽誰知音，天涯冷落人何限。
豈獨琵琶淚滿襟。

贈蒲城王櫟門

千里征帆此暫留，清樽日日醉江頭。
得交海內欽崎士，不負天涯汗漫遊。
近市炊烟迷野岸，隔江漁笛入高樓。
晴川芳草春無際，何似看雲太華秋。

登晴川閣

作舞東吳萬里船，獨臨沔口望湘烟。
空懷鸚鵡洲邊客，不見梅花笛裏仙。
三峽猿聲來極浦，九江帆影入遙天。
武昌何限長堤柳，飄蕩鄉心處處懸。

大別山晚眺

漢水東流急，湘烟晚更生。
暖風熏草長，斜日照江明。
雲樹三春夢，關山萬里程。
楚天新月好，休聽暮猿聲。

登黃鶴樓

涉大江登高閣，碧天何處招黃鶴。
我有千秋萬古愁，一聲長笛梅花落。
鸚鵡洲邊雨鳳凰，山上雲英雄戰壘不
知處。劔池鎖穴空夕曛，辛冢之樓費仙館。
江城五月薰

風暖莫問高城敵萬人且須美酒傾千盃

贈朱省堂

江漢何滔滔斯人獨憔悴長貧不受憐苦吟亦招忌胸
中有太古下筆多真意請君但著書浮名足身累

桃花洞

花落復花開無言花滿地幽洞古泉香中有看花淚

漢陰城

寂寂漢陰城依依楊柳情弄珠人不見江上月空明

王樸門寓齋觀國初諸老贈李雲田詩冊

王郎嗜奇苦未足獨收破卷藏書麓古錦模糊補舊鈔

枯芸瑣碎尋殘韻一層樓

樓門齋中樓名

上煖風添拂曉呼童

捲畫簾清露潤霑檀几淨晴輝虛罩麥光黏一函珍重

從頭展似向靈壇受蘭繭應留奇氣燭衡巫自有清光

浮漢沔芝麓

龔

長歌感慨深西樵

王

短韻自惜惜侍郎

曹秋岳

詼蕩千言賦祭酒

吳梅村

纏綿五字吟幾篇賡和情

難已腸斷江湖老蕩子槁項塵容四十秋萍踪浪跡三

千里亂世浮生劇可憐鼓鼙聲裏過年年酒壚擊筑秋

風冷禪榻吹簫夜月圓丈夫生欲行胸臆俛紅倚翠無

聊極飲醇近婦送年華一片壯心銷未得骯髒襟懷不

可收長安市上酒家樓興來遍索諸公句持去空澆獨

客愁獨客飄零不知處閨中歲月堂堂去蕩子菖蒲水
上花佳人楊柳風前絮失意歸來白髮紛若蘭機上看
迴文碎金貯待奚囊滿並向粧臺遺細君寶鐙姓字真
芳靚雲香小篆紅膏瑛侍兒警慧亦知書選取芳名呼
掃鏡雲田周夫人名照字寶鐙掃鏡其婢也江皋寂寂落花村
去年來

空閉門斷帙零縑堆篋衍依稀粉指舊時痕粉痕墨漬
俱銷蝕故紙堆中誰拂拭換向屠沽不直錢攜來婦駟
無人識南紀門前曉趁墟般般骨董列中衢王郎買歸
嘆奇絕似獲鮫宮百琲珠我謂王郎好持護莫教更惹
羽陵蠹風流裏屐想諸公百年壇坫誰追步江天雲樹

兩茫茫蕩子何人不憶鄉一曲滄浪斜日外與君更訪

菜根堂

雲田有菜根堂詩

彭念堂携具招同吳鶴關汪心來胡牧亭集王櫟
門寓齋卽送余與心來登舟歸新安

已買江邊舟更就林下酌不暇理囊襪且與戀杯杓撫
哀俱懷辛執手強爲樂入門衣解絺據牀帽脫箬縱飲
揮叵羅爭啖拆不托藏鬪噪伴輪射覆矜巧着筆爲促
書忙扇因愛畫櫻慙如升木獠狂似跳枝鵲笛聲江上
來帆影樽前落半醉忽無言滿座銷魂各自我來漢鼻
行踪悔鑄錯琴空入市捶盜在沿門拓不逢郎官觴難

招仙人鶴芳草沌陽城絲柳武昌郭歸夢繞烟波泛泛
無終薄諸公出羣雄意氣凌衡霍屈宋擅宏辭瑜亮韜
偉略把釣猶披裘行歌空帶索憔悴匿江潭今古一邱
貉升沈波上桴聚散風中稗慎勿多感傷且與爲歡噱
新月翼際山夜火晴川閣長揖上扁舟江氣澄寥廓分
襟衝岸烟抵足聽津柝安得石尤風再訂來朝約

聞吳荀叔弟客中悼亡寄慰

知爾天涯客常拋淚幾行鄉心牽愛女旅夢到空牀拙
宦難偕老文人善悼亡二毛已侵鬢慎莫更神傷

死友歌爲沈蘆山作

蘆山名泰江陰人客於楚楚商周沂塘待之善
兩人俱能詩好交遊與往來諸名士相唱和無
虛日後沂塘以避債遠去蘆山無所歸遂雉經
於舊館同人哀之索余爲作死友歌

我言君不聽君行我不知我今失君將何之前日爲生
離今日爲死別我死不得與君訣君行在何處我死在
君家羈魂飄蕩無所住隨君旅夢天之涯君今但去無
所惜乾坤到處堪爲客泉下休悲羊角哀人間定有孫
賓碩

樊口

擊汰過樊口遙望西陽城宿雨岸草濕朝日林烟明舟
中客未起壠上人已耕去樹看漸失來山徐爲迎風恬
曉色靜潮迴川光平眠坐各自適盥餐隨所營促膝得
良友談笑紛縱橫

釣臺

退谷不可遊殊亭不可上小回復大回估帆自來往釣
臺峙中流高閣架虛敞我今鼓楫過江面平如掌羣鷗
聚淺沙叢荻生碎響江山入盛夏草木森莽蒼開舸縱
遐矚卽此多勝賞

小孤山

急權赴中流鱗紋生水面斜陽燭層波光搖兩目眩金
碧紛陸離魚龍乍隱現烟鬟看漸真秀影沐澄練落霞
山腰明迴潮寺門濺鐘聲隨波去月色轉帆見小姑愛
晚粧薄嵐添翠鈿

攔江磯

一抹皖公山數峯青未了連岡不肯休蜿蜒走天表奔
流匯衆川江勢增浩渺奇石怒欲渡中流恣天矯榜人
操舟熟與波爲繚繞輕身出其罅迅疾如飛鳥回首浪
拍天幾點烟螺小

大通鎮

舍我江中舟逝將陟前岡新漲失故道欲濟川無梁湖
濱邊一葉涼風吹衣裳叢菱聚暝色繁星涵虛光空外
見積水露中聞暗香村墟雞已鳴前津問青陽秋浦渺
何處九峯空蒼蒼

箬嶺

箬嶺雖云高坦迤好登陟征夫貪曉行月落石徑黑風
聲約空林露氣籠倦翼衝烟投前村衣袖辨曉色峩峩
天都峯依依隨我側高下幻陰晴俯仰盪胸臆徘徊不
忍去我僕且休息

哭周橫山六首

人生苦局促百憂難具陳終日纏坎壈大患在有身君
今棲旦宅解發返其真飢寒幸已免富貴如浮雲所悲
鬱可氣志業無由伸蒿里斂魂魄賢愚寧復論

古人重結交山陽傳死友自我與君別歲月亦已久單
舸浮大江落日悲風吼客子野踟躕子立竟誰偶朱鳥
倘歸來寒烟望渡口

伍胥逐靈潮伯牙操水仙聞子涉江流出門不復還篙
師坐船頭舵師踞危舷瞪目竟長逝寒濤鳴濺濺斂形
在荒野一棺殯江邊至今淺土中幽宮狐穴穿

曲徑傍城闈深巷尋陋室荆扉晝不開積蘚封屈戌寡

妻既大歸稚女亦繼卒春風吹蘆簾雀鼠亂殘帙君有三尺琴清聲美無匹愛之等良朋時時寘在膝哀哉復何言人去物亦失我欲招君魂魄歸安可詰

前年客茲土芳草正萋萋斗酒相宴會日日醉如泥三年易星霜蓬飛各東西舊歡如晨星所至增慘悽嗟我天涯客傍徨無定棲叩門持拙言他鄉安可稽逝將歸故里長守藿與藜

赭山鬱層陰荻港喧洪濤哭君走湖陰君定聞長號矯矯孤飛鴻哀鳴求其曹麋鹿在中野獨行難自蒙日日浸以馳吾生空煩勞

蔡梵珠用余舊作贈吳洪芻韻枉題拙集兼索登

韻題其所藏菴圃圖

七尺苦三彭萬事幻五酉鼎鼎百年內野馬浮窗牖余

本幽憂人孤憤自鬱糾地欲窮大荒天難覓小有歲暮

孰華予在斯乃有某半面猶未識一腔早屢剖

去冬梵珠與余

未識面卽填詞投贈咄哉險巖世黃牛與白狗舉足逢迷陽跬步

蘆層阜江湖感寥落客淚灑清瀏倚間勞衰親持家仗

病婦終歲滯異縣一經荒書藪春絮雨後沾秋葉風中

走隻身尚贅疣千言總駢拇詎意華髮年得茲素心友

跡雖隔參商氣已聯牛斗今春忽相聚漫郎與聾叟狂

脫風前帽滿酌花下酒兩心各悵悵片語通扣扣夔龍
昂碧霄不共蛇鱗膠松栢干青雲不隨械樸槩暫爲雞
伏雌肯効雉求牡君日是不然凡猥吾所狃自信無機
心小試不龜手隙地闢百弓方塘浚半畝閒趣玩之丁
頗足蚓與蚪護門編枳籬掃徑縛苔帚園橘似垂金邱
李可貽玖春釀注瓦盆霜秋春石日匿影學灌園歲月
亦已久篋中一匹絹光澤瑩且厚乘興召畫師大筆運
妙肘微渲山數稜更添屋半部荆關庶可師倪黃或堪
偶天斜染疎花嫩瘦嫩小嶼枯桐已生孫新竹方妒母
松韭分春秋種稜稜先後瑣碎入圖畫不減孟家口以

茲尤賞心常置几案石僕也聞斯言撫掌歛狂吼自

聞君名勞心懷人如學圃吾所願管華可借否陸葱斷

一寸庾爰列三如守山雌窮居安足忸鄙人無遠

志自顧甚卑如束髮時經鋤甘墨守書圃自灌溉

詩園頻躡躑如乃作客有如索塗賸棲息寄人檐動

作祇自忸何由如避頭責安敢誚腹負欲碎子昂琴恐入

君廓筍智原遜守瓶文祇堪覆瓿近將歸吾廬休更逐

人趣屋塗隱士泥門種先生柳詎借叢樹神甘匿村留

醜酣醉任翻孟高歌且擊缶縱觀區蓋間橫目而圓首

鼓刀丹書師泣邊白水鼻總總蟻趨羶狴狴吠嗾何

棕亭詩鈔

卷五

十一 贈雲軒

如荷一鍾長作沮溺耦披圖意也消海雲來片黜

汶上放舟

汶上風光好揚帆日已晡蟬聲村樹密山影成樓孤曲
岸雙分水平田萬頃湖順流東下易回首暮雲紆

癸酉杪冬至都吳杉亭王穀原褚鵠侶錢辛楣四

舍人謝金圃庶常李笠雲明經釀飲爲軟脚會

卽席同賦八首

風漲斜街堀堞塵寓廬尋訪定無因如何纔把驟網卸
便見經年夢裡人

歌罷黃塵念已灰支離誰顧道旁材只因愛畫旗亭壁

風雪長安又早來

促膝松盆盡夜懼
雞纖魚鮓各堆盤
吳儂自愛江鄉味
不用烹羊羨大官

兌酒休辭費十千
知君壓歲有餐錢
酣歌可憶深秋夜
明月虛堂曲尺眠

杯中樂聖雖輸爾
座上狂言定讓儂
不聽公明通夕話
三升辜却玉蛆濃

獨澆殘醅酌長恩
詩卷投人未易溫
泥炕紙窗堪穩臥
顛當從此不開門

征衣無襁恰無顏
卽次初安便擬還
却怪三年薇省夜

青縑被裡夢魂閒

玉蟾蜍水和丹砂濃點新詩勝綺霞強韻壓成寒夜半
銅盤剔盡蠟燈花

除夜放歌

玉兔之窟金烏輪兩丸跳躍暮復晨高高日月定自愛
奈何浪擲勞歌入春過匡廬冬泰岱征衣垢漬如重鎧
賣文餬口益苦飢負米養親誰肯貸鳳城爆竹聲震瓦
獨坐虛窗淚盈把東家郎君乘駿馬

朝回絲衣拜堂下

秋日送吳杉亭舍人歸里次王穀原韻八首

兩岸枯荷獵獵風歸帆遙趁夕陽紅年年踪跡輕離別
空作天涯踏雪鴻

高歌燕市未經年又上灤河秃尾船獨客歸家無長物
奚囊贏得

帝京篇

濯足雲溪晝掩扉閒看嶺上白雲歸棕鞵桐帽朝嵐濕
柳汁何須更染衣

歸去休歌行路難且從田客共圍官秋花一片明如錦
底事垂鞭馬上看

休言衆裡自嫌身世事由來總積薪但使名山多著述

清時原不負才人

數間茅屋枕溪南
嬌女童兒戲篠簾
一樹枇杷花未落
驪裘尚可博朝酣

省薇夜直一樽孤
應對離騷嘆左徒
獨擁青練秋夢冷
牆根竹葉到家無

黃篋孤篷閉小窗
匆匆分手上秋艫
相思轉眼梅花發
索笑猶疑對影雙

舟中漫興二首

扁舟容與溯輕波
兩岸絲楊瞥眼過
山鷓聲中斜日暝
水蒨花外晚風多
正愁無地沽村酒
恰有閒錢買野荷

矯首家山看漸近蓬窗企脚一高歌

空明一棹自洄浴極目雲山思渺然平野風來紅蓼唳
晚涼雨過碧雲天輕舟下水仍千里獨客思家又一年
何日編茅成小隱卜居常傍汶陽田

寶應別叔父

衣有積垢囊無錢身如倦翮空言還我生半世占蹇連
中流欲渡復不前小港流水鳴濺濺大河惡浪冲倒船
幾夜水宿難穩便今朝下閘纔安舫孤城一水環數廛
千檣仰視蒼旻穿叔兮胡爲久羈牽菱岸一決難暫延
山禽入筴猶思騫速去莫待繞朝鞭匆匆沙上語未全

振柁獨返空艙眠吁嗟筆未非良田江關蕭瑟老歲年
天涯分手真茫然

雪中望蟹社湖寄懷沈沃田

文游臺畔寒旆馳入寶城上堆玻璃峭帆側澁不肯進
篙師縮項如蹲鴟滕六與二太狡獪空中慘玉精瓊糜
東村西舍失徑遂遠洲近渚迷尻雕斷港橫直鉢塞莫
高岸倒挂靈姑鉅枯松老柳足醜怪一一大而遮蒙俱
孤蓬咫尺那可辨漁人舟子相驚疑我時擱眼揩昏眵
忍寒竚立忘朝飢天遣勝景供詩料對此安可無好詞
獨惜良友不共載灞橋奇思難遠治雲窗此際定呵凍

牛心割炙料深卮長鬢蒙茸短袖禿丹鉛不惜兩手胝
他鄉旅夢愁欲絕何如歸去炊扃屢歌成漁火逗暝色
珠光高下明雲涯

甲戌仲冬送吳文木先生旅櫬於揚州城外登舟
歸金陵

寒霜棲城闔白日照江湄送君登孤舟千載從此辭布
帆乘風張一覘驚驃馳三號不可見我行將安之自我
來蕪城旅舍恒苦飢客中過所親歡若龍躩踞我居徐
寧門君隣后土祠昕夕相過從風雨無愆期峩峩瓊花
臺鬱鬱冬青枝與君攀寒條淚下如連絲憤來揜短袂

作達靡不爲金屋戲新婦

吳一山納妾招同飲

碧觀尋髯緇

石莊上人

寓碧天觀

履同訪之飽啖肉笑靨酣引玉練槌櫃坊與茶閣到處

隨狂嬉菽菽賈人子廣廈擁厚貲半盆半國利質庫股

民脂高樓明月中笙歌如沸糜誰識王明敷齋鐘愧閣

黎嗟哉末俗頹滿眼魍魎執手渺萬里對面森九嶷

丈夫抱經術進退觸藩羝於世既不用窮餓乃其宜何

堪伍羣小顛倒肆詆欺先生豁達人舖糟而啜醢小事

聊糊塗大度乃滑稽安所庸芥蒂且可食蛤蜊逝將買

扁舟卒歲歸茅茨梅花映南榮曝背樂無涯小子聞斯

言背面揮涕洟未見理歸裝已愁臨路歧誰知近死別

乃與悲生離孟冬晦前夕寒風入我帷獨客臥禪關昏
燈對牟尼忽聞叩門聲奔馳且驚疑中衢積寒冰怒芒
明參旗踉蹌至君前瞪目無一詞左右爲余言頃刻事
太奇今晨飽朝餐雄談盡解頤乘暮謁客歸呼尊醕一
卮薄醉遂高眠自解衫與綦安枕未終食痰壅如流澌
圭匕不及投撒手在片時幼子哭牀頭痛若遭鞭笞作
書與兩兄血淚紛淋漓仲兄其速來待汝視榻他伯兄
聞赴奔何日發京師擗踊如壞牆見者爲酸嘶燕也骨
肉親能不摧肝脾憶昔丸髻年殘燭同裁詩每言雛鳳
聲定不儕伏雌歲月何飄忽逝景不可追躑躅一無成

千時鈍如鎚負米無長策高堂艱晨炊四海誠茫茫舉
足皆隄陝奔走困飢寒慚彼壹宿雝羨君解發裘萬事
擲若遺著書壽千秋豈在骨與肌江山孫伯符風月郝
僧施生平愛秦淮吟魂應戀茲一笑看凌雲橫江天四
垂

讀戴遂堂先生與錢香樹司寇盧雅雨都轉平山
堂登高之作次韻二首

知君湖上棹乘輿到宵分都轉能留客秋官最好文窗
延過嶺月杯引隔江雲高會繁華地簫聲散曉氛

昔年携醉墨吟眺入山堂野艇寒流白高城落日黃不

辭雙屐滑愛對萬松蒼此日賡佳句幽懷自泐茫

次韻賀方竹樓移居

局室新開小有天知君滿腹貯靈川階前細草紛紆帶
簾外甘蕉自捲牋近寺塔鈴宵替戾隔江山翠曉芋眠
結廬底用喧車馬不向人間覓貨泉

陳公塘

帶子陂前繫晚舟陳公塘上野花秋半生湖海飄零客
何日高眠百尺樓

過萬松亭別寰宗上人墓

霜風十里揚州路獨客茫茫慘將去一笑誰爲依戀人

銷魂只有高僧墓前年折柳于湖陰
捩舵開頭淚滿襟
今年載酒蜀岡道荒山斷碣生秋草
湖海飄零年復年
尋思身世總茫然紅燈綠酒歡如昨
僂指前因悟幻緣
平山堂上寒雲晚歐九風流應未遠
吟鞭他日更重過
東風吹恨留空檻

白田

白田春港帶流澌
疊步人家水一涯
漠漠寒烟飛碧鶴
野塘風定日斜時

棕亭詩鈔卷之六

全椒 金兆燕 鍾越

丹陽曉發

雲陽古驛抱回溪渡口人家草樹低
苦盼柳堤青意早
欣看麥壠翠痕齊
奔牛埭古岡連接擬鶴風高日慘悽
欲問蘭陵沽酒處烟村已報伺潮雞

丹陽舟中

山色湖光暮復朝雲陽回首驛程遙
曲阿酒熟添鄉夢
直瀆舟輕趁落潮水面野鳧空泛泛
風前新柳自條條
一聲腸斷津亭笛獨客江天正不聊

舟中曉起

今朝許我懶，既醒還自眠。輕舟不覺動，吾心方宴然。舵樓聞曉炊，喚起更遷延。忽聞好鳥聲，愛茲初霽天。物性貴自適，造化無私偏。偶却外累擾，便得靜者便。但愁繫纜後，復來塵事牽。

過吳竹嶼書齋

山塘碧漲水初肥，柳下停舟一歛扉。臥榻不離栽竹迳，行窩只傍釣魚磯。一簾疎雨客何處，滿地落花春自歸。從此吟魂應識路，他時選夢到書幃。

禹館口占

孤館無人伴寂寥
清景物自相料
蕉移壞砌心常
竹傍頽垣粉欲銷
夢裡還家仍不易
天涯作達總無聊
潮雲海日原空濶
籠鳥何由薄絳霄

奔牛懷古

奔牛古埭枕平湖
回首雲陽客思紆
獨樹烏啼春晝永
危舡帆轉夕陽孤
半生書劍悲歧路
千里江山想霸圖
太息前軍壘葛饋
不堪重召後樓都

次韻題尹望山宮保錢香樹司寇吳門倡和詩後
五花賓館對芳洲
七里山塘足勝遊
南國冠裳尊二老
西園翰墨著千秋
連鑣共逞追以學步真慚喘月牛

鍾呂不嫌竽管並好排吟席待

華駟

二公俱將由揚入都

秋雨

秋雨聲何碎淒清到夜闌離人不能寐虛閣坐長嘆落葉微軀賤孤鴻遠夢寒相思千里路雲水正漫漫

石白湖

石曰湖邊春草青風吹急雨晝冥冥墓田常傍詩人宅千載高風憶阮亭

擊絮女子歌

脉脉江天如覆瓿孤舟回首蘆碕夢一劍空臨國士身傷心日月昭昭送溧陽女兒顏如花春風顧影江之涯

英雄奇氣不可匿當前翠黛生咨嗟妾心明如波妾身
輕如絮壺篋飽噉休回顧吹簫好向前途去

放歌呈鄭文竹泉

孤篷企脚吳天曉吳城花柳美晴昊客子身如不繫舟
攬衣且上虎邱道前年分手霜風寒今年握手春已闌
人生聚散偶然事所悲身世多辛酸男兒骯髒困書史
飄蓬千里復萬里獨向江湖老歲年肯從簪笏求知已
憶昔揚州月滿堂襪衣丸髻趨君旁冷灰殘燭一朝別
裁詩誰更憐冬郎鏡裡塵顏暗中改彈指光陰二十載
難將鼓瑟投時好便欲碎琴更誰待十笏蕭齋碧蘚滋

論心深夜勸深卮一篇庾信傷心賦五字韋郎憶舊詩
天上浮雲自衣狗人生如夢草靡不有杏花落盡山桃紅
東風送暖誰先後姑蘇臺上春草多姑蘇臺下春水波
相看且盡杯中物莫聽吳娘暮雨歌

題陳彭年梅溪獨釣圖

碧溪倒浸天滄浪春風漠漠吹古香中有人兮何清狂
獨操短艇朝鳴榔釣絲百尺當空颺落花飛絮相傍惶
嚴氏之裘姜氏璜俯仰千古誰沉揚志不在魚機盡忘
何爲策策復堂堂我今千里浮孤航披蓑偶駐烟波鄉
松陵漁具補未遑對君空羨清淵旁誰故粉本自倪黃

賓君邱壑真徜徉何時苓箸同攜將與君相結爲漫耶

謁文衡山祠

待詔祠堂在春風野日曛新碑瞻

詹藻

恭讀題像詩百刻

御製

別館憶停雲妙翰真堪寶高風孰

與羣紅欄餘故里惆悵想夫君

姑蘇春暮

七里山塘咽管絃金闔門外冶遊船圍花平疊黃絲布
津樹橫拖紫玉烟高士廡前空石臼美人市上少金錢
間關我亦懷鄉客叢橘荒庭拜水仙

書隨清娛墓銘後

獨挈蛾眉伴客身
崆峒涿鹿老關津
如何不立家姬傳
翻寫當壚賣酒人

呈沈少宗伯歸愚先生

威鳳集高岡
孔翠羣相隨
燭龍耀廣埏
螢蜃亦乘時
鄙人幼穉昧僻處
荒江湄
世事靡所營
寢食耽聲詩
所苦冥擿埴
索塗罔所之
閱肆獲異書
朗然如列眉
僞體既別裁
夷路乃鮮歧
賴此波若眼
奉爲桐子師
涵泳二十年
稍稍窺其涯
每欲就鵠棊
庶爲裁華離
我朝盛文治
應運生龍夔
經術潤鴻業
文字結

主知秩宗禮樂明
海內停澆漓
具區納衆川
萬頃堆瓊

璃怒濤激胥口木瀆爲障陂歸來一畝宮山光映連緣
耆英會綠野俊髦羅緇帷據案事丹鉛老眼無昏眵搜
採遍幽隱持擇屏阿私間氣心未公仲武真堪噉峩峩
滄浪亭綠柳環清池講臺對百花四面春風披紫陽書院在滄

浪亭左先生講學其中

遊子聞雒誦舊學懼不治曲木過匠門繩

墨安所施嗟余曩恨人風塵厭奔馳三度客京華征衣
塵屢緇槐柳何森然未敢肩相差豈惟惜娉婷實難儕
喔咿公爲斯道宗風雅賴總持非徒望吹瑩將以求鉞
規撫劍懷薛燭調絃思鍾期束帶感昔人三嘆成此辭

訪曹來殷不值留題壁上

寶髻頭陀怪且迂舉瞳白眼排千夫

王禮堂編修自號寶髻頭陀

長

安風雪其短炕爲我獨言曹潤奴

來殷小字

禁城鐘動不肯

寐篋中檢取明光珠擲卷睨我歎大叫海內曾見此人
無僕也讀之神飛越茅柴市酒傾百壺逐日真悔夸父
妄爲雲便欲東野俱今年扁舟下東吳兼旬積雨春已
徂靈巖光福不暇問着屐獨訪城南隅吾生萬事總踏
蹬五角六張無好圖雲山千里結夢寐偏於交臂失邱
須春風庭戶窺簾綉筆牀書櫃清雙瞳虎邱鶴澗足酣
暢文謙何處日已晡江頭風便明當發何時握手申煩
紆歛斜枯墨留粉壁籠燈夜照應盧胡

放歌行贈朱適庭

麋城花豔豔雞陂草青青靈胥遺響既寂寞衆彙之言
不可聽何人高擊回颿鼓明月秋潭歌樂府歌罷梧宮
一葉飛金精夜躍劍池虎破楚門前春雨聲上津橋下
春水生幽人小室戶獨撻半規斜月山塘明山塘兩岸
木蘭舟一片笙歌罨畫樓君獨胡爲空坐愁長吟抱膝
無時休敞簾櫳開高閣毘陵美酒舒州杓勸君莫作十
日惡君不見昨日花開今日落

用適庭句適庭九工樂府所著有秋潭詩集

避雨入周小頰家

交遊信有道翰墨亦有緣今朝遇雨吉乃獲友大賢入

室無近玩披帷多古編嗜好耽寂寞道心庶克堅余本
澹蕩人所苦塵事牽安得考金石與君忘歲年

大金統制軍符歌

吳門周逸梅號小頑好金石之學藏弄甚多大金統制軍符其

所贈也

故人贈我一寸銅上銳下舛制作工模糊一字認屋角
凄然大漠含悲風完顏往事總陳迹幹离粘罕皆沙蟲
竹魚銅虎詎足比徒勞什襲重緹封遙想當時佩符者
吹唇戟手陰山下氣折曲端原上旗威驅趙構江邊馬
祇今零落委風塵土花銼鏽荒江濱南遷北狩感遺史
使我對之空愴神我本稔侯忠孝族漢廷賜姓追芳躅

貂蟬豈有醴陵祥金石惟航東武錄漁陽上谷空遊遊
歸列檀梨教六韜朱轡印入中州集盡日摩挲慰寂寥
唐金仙公主墓券歌

唐家貴主多驕恣翟車寶輦紛如織金闕朝傳墨勅封
璇闈夜擁真珠被晶牀銀白逞豪華玉帶紫袍縱兒戲
光艷能令四海傾權津直使三公避三洞金仙好穆清
修真姊妹伴持盈

玉真公主字持盈
與金仙同入道

瑤臺貝闕連天起

玉柱銀房向日明高甍列牖紛嵯峨國奢邑丞營構妥
神枕應羞賜辯機仙緣詎肯偕張果一朝解蛻早離塵
練飭形骸歸上真絳河顏色雖凋替猶勝烏孫塞外春

珠襦玉匣祈寧帖爲向媪神投券牒千秋奇字寫驢唇
百尺高阡封馬鬣崇元聲勢段謙狂方士浮屠俱往劫

龍門鄉界壤沙崩

券文云三洞女官金仙公
主今於龍門鄉安官立室斷壁零碑

出野塋香骨烟銷何處所精光千載想霞升片石摩挲
休淚漬玉魚金椀難終秘昭陵石馬卧秋風蘭亭何苦

埋荒齒

寄方集三東萊兄弟

十載山中戀薜蘿君家兄弟最情多
擘牋幾度吟紅藥分手無端隔絳河
路口花光應似昔雲門峰影近如何
小園苔徑休輕掃留與羈魂夢裡過

懷吳從考

千里關山泣路歧
風塵愁鬢漸如絲
袂分京國歸何速
書寄揚州答已遲
明月何時還共照
春風無處不相思
欲知獨客銷魂地
流水殘陽伍相祠

別陳郊在

幾載關山夢裡尋
天涯相見淚難禁
知君甘失塞翁馬
顧我獨鳴昭氏琴
別路烟波空極目
殘春花鳥總傷心
津亭夜月誰家笛
來伴孤舟越客吟

苦雨次陳彭年韻

閒身彌勒可同龕
客裡殘春月又三
壁鼠黠驚千里夢

總雞癡作五更談枕前風急花應了簾外雲低雨尙含
曦景中天無止轡如何難見似優曇

同費野恬學博鄭竹泉丈飲朱遂侄蝶夢齋中分

韻得蝶字

敝衣殘帙已歸篋爲君暫緩烟中蝶主人侵晨開竹扉
速客不待曦暉睡曲徑乍看烟草齊小池已見紫萍貼
百弓隙地六枳籬恰容我輩壺觴接階前煮茗支玉鐺
案上添香炙銀葉戟手頗能作調語聲牙偏奈讀古帖
縱酒何辭覆斗頻催詩不畏扣槃捷僕也天涯航牒人
撫劍空自歌長鋏偶見紀羣便締交從此名園堪日涉

可惜匆匆旋判袂人生安得如鷓鴣今日清歌容我狂
明朝濁酒從誰獵撥衣乘醉舞甘蔗揜袖當風捉榆莢
雙童匿笑畫屏前飛來何處驚蝴蝶

登舟潑發吳企晉遣人持札登為別且以所著
古香堂詩集囑訂余與企晉蓋初識面也傾倒
之意一至於此孤篷獨酌感賦短歌

昨日月朧今日朧見子何遲別何速論心已許夔憐竝
執手還如麀遇鹿小雞山色斜陽明獨客乘舟將欲行
津亭走札送我別繾綣未有如君情上言前路應蕭索
一握朱提充我橐下言文章須解人一卷明珠為我陳

僕也江湖遍遊歷對此那能不心激丈夫四海求友朋
知己如君未易覓篋中有書囊有錢今夕何夕喜欲顛
解縉且兌前村酒爛醉高歌企脚眠

滬濱舟中

帆轉婁江野岸昏榜歌聲裡暮潮喧春風客過黃姑廟
暮兩人歸烏夜村餒茶何時堪駐足鶯花到處總銷魂
玉山一角青如黛莫向征衫染淚痕

馬鞍山望太湖

咸池五車氣鬱蒸沐日浴月歆炎騰仙人乘躋儼上昇
霞裳虹帶鋪朝繪左神幽居林屋洞蒼苔片石隔凡夢

靈鼈忽駕羽明車縹緲峰頭攜手送人世愁波安可極
北堂浮玉空相憶二陸東西舊宅荒天涯黃耳無消息
雲中何處雙飛翼欲往從之渺難卽松花千歲毛公壇
斜陽一片傷心色攬衣莫更上高巔文室香銷慧理禪

慧理禪師馬鞍山
慧聚寺開山僧

拂石軒歌贈徐梅遜孝廉

先生東海之子孫鳳毛麟角希世珍讀書不屑治章句
下筆真堪邁等倫老屋鬼然冠蓋里高風千古三君子
馬驛交遊想鄭莊龍門聲價懷元禮問潮高館對新洋
繫艇來過綠野堂粉蠹枯蟬看錦軸泥殘舊燕認雕梁

曲徑蓬蒿自糾紛，平泉猶住李司空。
松廊不改西家潔，竹閣常留南浦雲。
擘袂雲根頻徙倚，烏衣門巷清如水。
草色依稀綬帶斑，苔痕想像袍花紫。
梓澤蘭亭滿夕陽，故家喬木自蒼蒼。
范氏硯存爲重寶，魏公笏在是甘棠。
屈釐馬廐公孫庫，何限長安大道旁。

重過竹泉丈邀同翁東如陳彭年泛舟山塘卽事
得絕句十二首

盤門流水接胥門，夾岸人家曉市喧。
小艇入城雙槳急，篷窗帶得野烟昏。

馬禪寺橋春水深，蕭齋重到聽春禽。
木瓜花落簾櫳靜。

時節堪驚過客心

征船欲去復遲留
更作山塘竟日遊
招得兩三人共載
不須重喚木蘭舟

唐肆開簾坐對花
藤陰籊籊自周遮
水甃小椀能娛客
蟹眼烹來顧渚茶

一徑濃花晝掩關
清池迴抱曲闌干
不緣避雨投山寺
那得園亭共飽看

東風習習雨絲絲
叉手循廊未覺疲
險韻聯成韓孟句
不知已過可中時

繡纈羞眉綺石隈
粉光釵焰共徘徊
春泥背剔鞦韆尖
汚

知向虎邱山下來

急雨纔過便放晴
衝泥屐齒踏殘英
訪僧不必期相值
花木禪房信客行

明月東風冷佩環
紅心春草自斑斑
行人盡弔真娘墓

更有傷心劉碧鬟

女鬼降乩自云劉碧鬟遺骸在平江來鶴樓下掘地果得白骨一具吳中

好事者擇真娘墓側葬之子爲之銘

臨流小閣碧窻虛
醉指遙天月一梳
但愛當壚眉樣好
不須滌器是相如

沽酒何妨罄十千
傾囊猶賸買花錢
詩魂今夜應無賴
國色天香伴獨眠

來逐朝霞去趁風天涯作達也匆匆不堪分手津亭畔
一點紗籠似夢中

舟中雜興八首

新洋江畔晚霞明象鹿城邊解纜行三尺篷窗兜被卧
聽殘兩岫子規聲

織女空祠小水涯玉峯寒日一輪斜靈旗不捲春風靜
開遍門前鶯粟花

千步長橋寶帶寶春波萬頃浸空明不緣禁夜停孤棹
雙眼何由豁太清

雙瞳剪水玉精神鄉女婆留聽未真艤棹試教歌小海

定須腸斷石心人

文章絕代擅詞宗
千載韓歐許接蹤
遲日園林蕭瑟甚
微風一角贖堯峯

碧浪黏天鶯脰湖
平波臺畔戲羣鳧
愛他舉網銀魚賤
我欲浮家作釣徒

滌湖流水接鴛湖
蟹斲魚簾界綠蒲
聽遍櫂歌烟雨外
風流不見小長蘆

鏡面湖光熨貼平
柁樓高處晚霞生
微風不動輕帆顛
一葉中流自在行

題王石壁烟雨樓詩後

微波學繡繞平樓疑雨疑烟澹不收
杳靄雲嵐歸極浦
迷離城郭枕滄洲遙青靜倚峰雙
笏澄碧初涵月一鉤
爲愛使君新句好吟魂早作夢中遊

語兒

兩岸濃桑竹戶扇扁舟又過語兒涇
林間鶴起風聲亮
海上龍歸雨氣腥古驛樹明於越界
斷橋帆轉女陽亭
吹簫誰識天涯客目斷吳天暮靄青

題石門王石壁明府勸農詩後四首

酒脯都籃滿翠畦杏花深處看扶犁
耬車秧馬濃烟畔
野老歸來醉似泥

柴辟亭前芳草多，輕舟欸乃掠烟過。使君下筆成幽雅，不唱吳兒舊榜歌。

籬根牆角倚村姑，兩鬢山花映玉膚。獨立桑陰斜日晚，何人脫帽問羅敷。

空黛沾衣碧浪圓，他鄉又過插秧天。杜陵老作諸侯客，何日歸家買薄田。

古詩二首

鄭旦借夷光炫服，入吳宮對鏡理新粧。灼灼如花紅君恩，豈有偏妾容非不工。如何響屐廊隨步，難爲容不如東家施抱影空山中。

憔悴孤生桐弦以寡女絲一爲止息調座客慘不怡座
客慘不怡主人拂衣起今日良晏會此音胡爲爾此音
君勿疑所稟不可移安能徇外歡易我中心悲

臨平舟中二首

暝色烟光共一舟臨平山下藕花秋風前暗誦參寥句
欲立蜻蜓不自由

龍井新芽認火前宜興沙銚足烹煎何時學得謙師手
來試安平第一泉

松棚

巖樓谷隱白雲中蒼翠高樞亦孰與同一自寄人檐宇下

坐看憔悴到西風

送客

津亭送客處落日亂峯高不敢久延佇恐君回首勞

牧豎嘆

牧豎牧豎十五五夜卧牛衣朝飲牛乳吹笛踞牛背
不知牛辛苦芻在深筐粟在庾牛饑求食鞭牛股牧豎
牧豎勿謂爾牛不能語主人一逐無處所

八月十九夜同安兩輔作

昨夜單衣露下立當空皓月虛帷入今夜披袂思裘編
閉門愁聽秋風顛秋風來萬木頽怒濤海上驚奔雷

颺怪雨相激射千愁迸入離人杯夜欲闌風轉急短檠
寒穗昏虛壁耿耿獨照悲秋客

偶然

偶然執手便分攜片語津亭日已西恰似相思纔入夢
東風吹到五更雞

秋氣

秋氣來何遽蕭條萬籟鳴疾風生巨壑寒雨暗高城短
夢關河遠長愁歲月更破窓孤枕客今夜若爲情

龍潭曉發

荒雞驚起夢中身匹馬衝寒夜問津月照

離宮光達曙草依

輦路氣先春江流東下銀濤濶山色南來翠靄新獨有
天涯憔悴客年年席帽感蕭晨

宿吳杉亭舍人新居因懷從叔軒來在蜀

停我江東舟訪君城北宅深巷燈火稀暝色誤行迹門
庭何修整井竈亦緯殪移家誠不易羨君富奇策君言
萍居累轉徙非求適頻年滯旅宦未暇謀煖席明知非
久棲聊復置藩柵少年同懷友南北各行役暫聚偶然
事終嘆千里隔一室共笑言此願恐虛積我間發長喟
停觴復岸幘人生老離合歲月真可惜登君樓上牀展

我囊中篋翦燈話未竟鄰寺鐘聲迫更憶錦官城獨客
哀猿夕

歸里後晤韋葑仙

久向烟波狎老漁荒村又背故山居
鷓鴣踪跡都無據槐國功名定子虛
葑仙尙逞寒雨後看山且趁曉霜初
江東米價君休問好辦空腸與古書

讀葑仙遊歷諸作卽用其稿中唱和韻題之

幾曲清歌喚奈何知君歸夢繞烟蘿
燈前風雨鄉心劇馬上雲山客淚多
孤枕獨聽天外雁清輝空對月中娥
江關我亦多愁句試爲深宵寫擘窠

余歸里數旬卽擬復出
葑仙取酒爲別卽席疊韻

奉呈

持杯休問夜如何十載家園冷薜蘿
鰕菜只憐鄉味好川涂共訴客愁多
敲詩曲室依燈婢說餅中厨問鼎娥
後夜相思孤棹迴故山回首白雲窠

早發途中作二首

曷旦無止號伯勞無停飛謀生在他鄉
來往有程期朔雪積中衢矯首望晨暉
入室何慘澹陰風鳴檐扉
傷兒寒背面涕暗揮
卒歲勿余念首春當早歸

驅馬上高坂下馬復回顧南岡何逶迤
歷歷白楊樹嗟

我慈親魂蕭條此間住淺土冒霜雪况乃穿狐兔黃泉
三十載歲月如奔鶩空爲四海身未下三尺墓生子苟
如此不如委中路

真州晚泊

揚子津頭片席開白沙洲上客重來荒陂夜火陳侯廟
廢壘寒雲魏帝臺爐韜空尋秋雨外壺篋誰餉暮潮隈
茫茫身世原多感且盡孤篷濁酒杯

程午橋太史以手注義山詩集見贈賦此奉酬

江干初過竹醉晨榴花已落桐花新客子征途未及半
綠楊城外停孤輪蜀岡隋苑不暇問渡筏急訪太史津

故人薦剡多賸語名僧接引疑前因謝客偶示維摩疾
傳命已沾公瑾醇霄漢眉宇悵隔面名山著述驚等身
瑤編先獲百朋錫玉溪頓傳千載神荒唐雲雨歸大雅
細瑣鶯蝶搜奇珍濃膏膩馥乍擺脫西崑面目存其真
張劉空傳有善本毛鄭今始稱功臣客恣剪燭恣尋玩
中夜拊几長吁呻才傑自昔多坎壈身名俱泰會幾人
開成進士真跌宕三十六體何彬彬橐筆乃同巢幕燕
年年奔走蜀與秦太牢羣小競排笮拒抑困頓無時伸
卮言譎語當歌哭嗚咽幽怨秋復春耆儒不識嘲獺祭
紛紛擗摺工效蠶譬如童蒙拾香草翻以靡艷寃靈均

吁嗟直至千載後始克磔垢前凡塵九原幽魄感應泣
知已寧復誇杜倫燕也湖海骯髒士天涯漂泊如流蘋
白老繡紉敢侈讐青衣錦瑟同酸辛狂朋怪侶日徵逐
左挈成式右庭筠西溪短什肯屬和樊南甲集請具陳
令狐一語定不惜灼痕喉噦休猜猜

寄贈汪陶村

逝波無回流頽叢不再中人生一相別曠若秋原蓬昔
我侶君子乘風溯大江暝宿潯陽岸朝望九子峰千里
同跋涉意氣何昂雄揭來異川涂隻影不復雙豈無瑤
華音天外託飛鴻關河阻且長何以慰幽衷永昔有誓

言相期無終窮

喜晤戴遂堂先生

時先生自真州來漸展墓

前年分手真州路秋風一葉橫江渡今年携手杭州城
春雨千家布穀聲海天雲白江潮下獨立蒼茫看四野
天涯逆旅又逢君憐才未有如君者棠梨花發野烟飛
知是龐公上冢歸我有墓田千里外年年寒食淚沾衣

管氏壽蒲詩

有序

揚州管應夫先生厚德濟人至老不倦晚年於
石上種菖蒲一本養之益益中數十年後先生
之子幼孚六兄年已知命而此草殆編鬱茂不

異昔時幼孚爲余言童卯時親見先人命小奚
双蕨此草相與搏土劇戲今兩鬢斑斑而水中
之石石上之草相對如閱朝暮捧手澤感歲時
不自知其盪然矍然也兆燕與幼孚交旣久時
得借玩此草習聞其言竊念昔人於魏氏之笏
范氏之硯每侈談之孰若此草之植仙根滋靈
液含真抱璞不蔓不支清白之傳世世勿替也
哉因次張茂先勵志詩韻作四言九章用述先
生之德兼以爲幼孚私祝云爾

薦尔於柯隰有龍游異此仙卉居惟水周旣專一壑不

計幾秋夫惟碩德有此颺流

楹以檀殫橘綠枳化蘭槐漸泚坐見萎謝矢潔懷清慎
履脂夜庭誥在昔勒之丙舍

人亦有言福輕如羽鑿惟自瑩燭豈誤舉苟不棄基必
克修緒卷石幽叢遺我良矩

雖休勿休雖逸勿逸尺潦增川寸膏繼日南山石槲鍵
以絮漆音沫名晡終朽穢質

有苞者竹於彼中林調我瑞律飽我祥禽惟此壽蒲與
爲同心白石旣研幽巒滂深

温温朝日藹藹春雲綠縵其色紛斐其文載沐載櫛躬

剔旣勤宗生於此錫羨繁殷

先生之風旣高且清楚龔避世蜀莊沉具守約處冲掄
欲持盈有子繼之玉質金聲

翼肯詒徽氣志旣起善積慶臻自今以始昌歎之嗜茗
柯之理封殖孔嘉樂社荀里

鳳鳴歸昌麟鳴歸仁厚德所歸幹運洪鈞豐草旣遂家
肥益新式遵先志以啟後人